


Kétà a Jean

Le rêve de Jean



Nouveau Testament

Kétà a Jean

Le rêve de Jean

CABTAL
B.P. 16550
Yaoundé
République du Cameroun
E-mail : info@cabtal.org

2011

Langue : baka, parlée dans la Région de l'Est de la République du Cameroun
Code langue ISO 639-3 : bkc


Titre en français : Le rêve de Jean
Apocalypse 1.1 ; 4.1-3, 10-11 ; 5.1-9 ; 12.7-9, 17
19.5, 11-15, 19-20 ; 20.11-15 ; 21.1-5 ; 22.20

Cette histoire biblique, conçue pour les lecteurs bakas, a été développée par une équipe de traduction à Ndjibot.

Illustrations bibliques de Jim Padgett, courtoisie de Sweet Publishing, Ft. Worth (Texas) et de Gospel Light, Ventura (Californie) © 1984. Et, Good Soil Evangelism and Discipleship, www.GoodSoil.com. *Tous droits réservés.*

Lìkànò a Jean a mbì kè é mùò te kétà nè. Lìkànò ná e je lìkànò a ngòmà Komba.


Nòò wà kuno a Yesùà òò, e lé Jean. Ngé á mu kétà. À kétà ná, Yesùà á dò na manà pé èe kènòò e wówò è. Yesùà á dò na manà pé èe náó kòpè pe ndè wà kuno a ngéó kòpè wó dò na nyì èe kè e bá dò nè.



À kétà ná, Jean é sià mò nda na lìbolò e kúè. Á jè ngòmà, e té pe : « Dòmo lì, kòmbé ma manà pe mò èe kòpε kènòò kòmbé e wɔtò è. »

Jean á lì a mò nda kè e kúè nè. Pe é lì a mò nda ná koà, é sià, Komba kè. Ngòbó è bá dè, ngé, ngè, ngé...

Jean é sià kina boo. Wá tɔ pe Komba tìtílì, wá o te e lé a ye. Wó té pe : « Ngamò mò wà pò èeo kòpε. A lèkè te pe mò weè tìtílì á nga kòpε. »




Komba ngé é tε mèkànɔ a kpé. Mèkànɔ ná e à manà pe boo sítí kε bá dɔ à sítí èe kènòɔ boo bá mεɛ à pε tóló nè.

Ekò, e ndé boo kε é tε tie na kuè mèkànɔ è. Nɔjò wà tima a Komba á kpemà. É pe : « Tε pe e ndé bo kε é tε kpéké na kuè mèkànɔ kε è ? »


E ndé boo. Ekò, Jean ngé á kùgba dàdì tε bumé kòpε.

Nɔjò á ngomà tε Jean, é té pe : « Mò kùgba a ! Mò kùgba a ! E tε bo kε é tε kpéké na kuè mèkànɔ kε è, àwa bo ná é wòtòɔ à sítí èe nà pε tóló kε kòpε. »



Ekò, Jean pe é sià kò, lè bélér kè. Lè bélér ná wó mòòlo lé òò à na mèè té sàndakà. É là a là a Davìtì. Ngé é jukòò a kò. Á dò, á ja mèkànò kè Komba é tε nè, á kuè.

Boo kòpε wá o kina tε e lé a ye. Bo náó kè wó o tε e lé a ye nè, wó òò boo nà pε tóló kè kòpε, a ngòmà boo kòpε à pε tóló, à kulù boo kòpε, tε wà bìbio tε wà búbào tε kulù boo kòpε à pε tóló.





Pe Jean é sià, ngbe sò na njelè kè á kótò. É ngbengbe tε mililì. É tε dàdì njò éó. Ngé é pòò ngòbó è nà kpóló à na binjà tε bo na mbèli kènòò Komba é pòò ló nè, tε na dò tε sítí à pε tóló kè kòpε. Ngé Sátàní, ekò.

Wà tima a Komba kènòò wó wà mbundá ó nè, wá dò na mèè tε sò na njelè ná wó tε sojà a ngéó kòpε go a libolò. Wó tó wá mèè go. Méè, méè, méè...



Só na njelè wó te sojà a ngéó wó ndé kpéké na mèè te go ná. Endè, wó ndé tie na dótò a lìbolò bitè Komba. Komba á nyiké ó. Wá dò na dótò à pe tóló. Èe ná kè boo nà pe tóló kèo kòpé wá mu te síí nè.

Ekò, à bo yíè ngé, Jean é jè pe : « I ñe ñè tε na tó pe Komba tε titílì. »

Ekò, à tie bide, pe Jean é sià, é sià kò Yesùà kè é penà mókósè. Mókósè ná kina sì é wà ngbengbe, e lè Ngòmà Komba. E lé kò. Á dø na mεè tε kukuma nà sítíó kòpε go à pε tóló kè kòpε àwa ngó wá jè kò Sátanì.






Sojà a mókòsèo ngó wó mo a sidi. Wó bá sà pé kò sà, wó bá sà pé kò sà, wó bá sà pé kò sà... Wó tó wá dō, wá dō, wá dō... Wá lèji jò a ye, wá dō à pe tóló à na mεè go.

Mókósè wó tε sojà a ngéó tε kukuma nà sítíó kòpε
wó tε nà ngó sojào kina, wó tó wá sangìà tó ndánda
kpóde à pε tóló. Wá mεè go, mεè, mεè, mεè...

Mókòsè wó tε nà ngé sojào wá ja kukuma nà sítíó
kòpε, wá kpiì ló à ngbe wà. Ngbe wà ná, Komba
lèkèo lé òò à we a ngó.

Jè tóló, ekò.






À sidi ná okò nè, Jean á sià Komba. Pe é sià Komba okò nè, tóló te lìbolò, miiiii... Wá nyaminyà tie kpóde. Ndé na sià kina tóló te lìbolò.

Ekò, wà kpíkpìo kòpè kè wó kpìo nè, wá sangià tó ndánda kpóde, tè yandé te kobo, tè yandé te kobo, tè yandé te kobo, tè boo kòpè.

Pe wó sangià tó ndánda kpóde kokò nè, Komba à kòtò. Á ja nòò mèkànò nà kpi kina, á kúè. Mèkànò ná e tè dàdì e boo.

Pe Komba sià, nòò boo wó ndé e ló jò a mèkànò. Bo náó kè e ló jò a mèkànò de nè, Komba á ja ó, á kpì ló a wà, àwa bo náó bumá ó e nyúkò a gàje a Komba. Kò bo kènòò e ló a mèkànò nè, ngó kè wó bo a Kombao nè. Wá gò a dótò bite Komba.





Tie kè tóló te lìbolò wó nyaminyàe te nè, Komba ngo
dɔ a pò tóló te lìbolò na tòtɔ.

Komba á pò tóló na tòtɔ. Á pò, á pò, á pò...


Á pò kina lìbolò. Á pò, á pò, á pò...

Á pò èe na tòtɔo kòpε. Èe kè Komba á pò ó nè, èe
náó kòpε e jókò te mimilì.



Endè, Komba wó tε bo kènòò e ló kòpε a mèkàno è,
wó tó wá dòtooo...

Ndánda ná kè wá dòto bo nè e jòkò, ndé sítí, ndé kò,
ndé kpíkpì. Wá dòto kò dótò nà tókpólì tókpólì.



Ekò, èe kè Jean é siàlo à kétà nè, èe náó, ekò.

À na mbè kétà ná, Yesùà ngé mòmóló té Jean pe :
« Kòe ma dò a mèè èe náó. »

Jean té pe : « É'è, ngò dò yaà. »

Lìkànò a kétà a Jean, ekò.

E sasa e : Sàa